



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica

Edif. Advto. San Caetano, s/n
15781 Santiago de Compostela
Tlf.: 981 544 513 Fax: 981 544 601



DILIXENCIA DE CONSTANCIA

Esténdoa eu, José Ramón Pardo Cabarcos, subdirector xeral de Réxime Xurídico, para facer constar que a memoria que segue, que leva por título *Memoria explicativa do Convenio de colaboración para a incorporación do Consello Consultivo de Galicia ao sistema autonómico de prestacións homologadas de contratación centralizada da Xunta de Galicia*, é unha imaxe obtida mediante o escaneamento íntegro da memoria orixinal, que foi asinada de forma manuscrita o 10 de decembro de 2019.

E para que produza efectos cara a súa inscrición no Rexistro de Convenios do Sector Autonómico de Galicia, asino electrónicamente a presente dilixencia.



Xacobeo 2021





MEMORIA-EXPLICATIVA DO CONVENIO DE COLABORACIÓN PARA A INCORPORACIÓN DO CONSELLO CONSULTIVO DE GALICIA AO SISTEMA AUTONÓMICO DE PRESTACIÓNS HOMOLOGADAS DE CONTRATACIÓN CENTRALIZADA DA XUNTA DE GALICIA

O artigo 34 da Lei 1/1983, do 22 de febreiro, reguladora da Xunta e da súa Presidencia, establece que o Conselleiro é a autoridade superior da Consellería e como tal ostenta a representación do departamento que preside.

No exercicio das súas competencias, o Vicepresidente e Conselleiro de Presidencia, Administracións Públicas e Xustiza ten previsto formalizar un convenio de colaboración co Consello Consultivo de Galicia para a incorporación ao sistema autonómico de prestacións homologadas de contratación centralizada da Xunta de Galicia.

O artigo 20.2 da Lei 14/2013, do 26 de decembro, de racionalización do sector público autonómico, sinala que o Consello da Xunta creará unha comisión interdepartamental que determinará, no ámbito da Administración Xeral da Comunidade Autónoma e do seu sector público, as subministracións, obras, servizos e calquera outra prestación que, polo seu carácter común, se poidan contratar de forma xeral e con características esencialmente homoxéneas para os diferentes órganos e organismos. A antedita comisión foi creada por acordo do Consello da Xunta celebrado o 20 de febreiro de 2014.

O Consello da Xunta celebrado o 18 de setembro de 2014 acordou a aprobación do catálogo de medios e prestacións que serán susceptibles de contratación centralizada. O anexo II do citado acordo establece como departamento encargado da contratación a Vicepresidencia e Consellería de Presidencia, Administracións Públicas e Xustiza para algunha das prestacións incluídas no mesmo.





O artigo 20.5 da Lei 14/2013, do 26 de decembro, establece que as entidades locais, universidades e os restantes entes, organismos e entidades do sector público poderán adherirse ao sistema autonómico de prestacións homologadas de contratación centralizada mediante os oportunos convenios de colaboración.

No mesmo senso, o artigo 228.3 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, contempla a posibilidade de que as entidades do sector público se adhiran aos sistemas de contratación centralizada establecidos polas Comunidades Autónomas mediante a formalización do correspondente acordo.

O Consello Consultivo de Galicia, creado pola Lei 9/1995, do 10 de novembro, e regulado na actualidade pola Lei 3/2014, do 24 de abril, é o supremo órgano consultivo da Xunta de Galicia e das administracións públicas da Comunidade Autónoma de Galicia, e actúa con independencia respecto de calquera órgano e, en garantía dela, goza de autonomía orgánica e funcional.

Tendo en conta as vantaxes asociadas á incorporación a un sistema de contratación centralizada (obtención de economías de escala e redución de custes administrativos, fundamentalmente), o Consello Consultivo de Galicia solicita a súa adhesión ao sistema de contratación centralizada da Xunta de Galicia segundo o disposto neste convenio, que ten polo tanto como obxecto establecer as bases e condicións mediante as que o Consello Consultivo de Galicia se incorporará ao mencionado sistema de contratación centralizada.

A adhesión concreta do Consello Consultivo aos distintos contratos licitados polo sistema de contratación centralizada da Xunta de Galicia producirase mediante a remisión polo Consello Consultivo da solicitude específica contida no Anexo I, na que se identificará o contrato obxecto da adhesión.





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica



Este convenio de adhesión terá unha vixencia de catro anos, sen prexuízo da posibilidade de prorrogalo polo tempo que as partes estimen conveniente.

Polo exposto, considérase xustificada a utilización do instrumento do convenio para articular as actuacións de referencia, quedando dito convenio fóra do ámbito de aplicación do Lei 9/2017, do 8 de novembro, de contratos do sector público, con independencia que, ao abeiro do previsto no artigo 4 da devandita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, 10 de decembro de 2019

A secretaria xeral técnica

Beatriz Cuiña Barja

